

НОВАБРТЬ

28-це шистонза 1940 кизоня

131 (1783) №

ПИТНЕЦ 5 тр.



# Комсомолю ВАЙГЯЛЬ

ВЛКСМ-нь МОРДОВСКИЙ ОБКОМТЪ И САРАНСКИЙНЪ ГОРКОМТЪ ГАЗЕТАСНА

ЛИСЕНДИ

8-це КИЗОСЬ

Адрессь: г. Саранск,  
Советская ул., Дом печати.

## УЧРЕЖДЕНИЯНЪ КОМСОМОЛЬСКИЙ ОРГАНИЗАЦИЯТНЕНЬ РАБОТАСНОН— ДОЛЖНАЙ ВЫСОТАС

Советский од ломаттне, конат призваннайхть государственной трудовой резервань училищатненди и школатненди тонафнема, аф азомшка пяк учихть декабрь 1-це шинц, кона лувондови подлинно-исторический праздникокс.

ВЛКСМ-нь ЦК-ть VIII-це пленумоц лихтсь тянь коряс решения, кона обязывает сембе комсомольский организационный тиемс эсь работаснон разносторонняйкс, келептемс работань деятельностьснон. Тяста лисенди, што эрь комсомольский организационный священнай должокс ащи—интересовандам производственной кизефксень мархта, эрь шиня максемс сатомшка лезкс соответствующей организации руководителхненди.

СССР-нь Верховный Советъ Указоц июнь 26-це шинц эзда, кона направленный трудовой дисциплинать кемокстаманты, путни эрь комсомольский организационный и эрь комсомолецъ лангс обязанность няфнемс работань эсь постсонза трудити честнай и добросовестнай отношениянъ пример.


Тя указъ эряфс йотафтомасонза эсь передовой рольснон должетт занямс учрежденческий комсомольский организационный. Мордовияса лама комсомольский организационный шарьхкодезь государственной важностень задачь, арьсть партийнай и правительственной директиванъ активнай проводникос. Тяфта Йисарский районца исполкомонь райсоветъ видеса первичнай комсомольский организационный (секретарь Шланкин ялгась) эсь собраниясонза ламоксть обсуждадакшнесь производственной характерса кизефкт, лихнесь практический мероприяйт.

Аф кальдявста работай тяка жа райононь инвалидонь артельть видеса комсомольский организационный (сонь секретарь Загороднова ялгась). Тяса комсомолецне упорна работайхть эсь политический образованияснон касфтомаснон лангса и цебарьста занимадакшнихть производственной работаснон цебарьгофтоманц мархта.

Но эряви азомс, што ня оцю сатфкста башка лама комсомольский организационный работаса улихть и оцю аф сатыкст.

Саранск ошень рестораноень комсомольский организационный комсомолецне сянь вастс, штоба максемс лезкс администрациянъ руководителхненди, синць добросовестна и честна аф пшкотькшнесазь эсь обязанностьснон.

Можна няфтемс лама фактта, мзярда учрежденческий комсомольский организационный руководителхне не оправдывают партийтай и комсомольский организационный деятельность лувондови цебарькс, мзярда сон кармай улема боевой помощникос организационный руководителхненди партийтай и правительствать решенияснон пшкотькшнесазь.



Ремесленный училищав примаф учащайнъ группась луйи газета.  
СНИМКАСА: (Кержи ширеста види шири): К. П. Митрофановъ (Саранск ошень 1-це № школаста), Б. И. Калязинъ (Саранск ошень 2-це № школаста), Ю. А. Очевъ (Саранск ошень 12-це № школаста).

Фотось Касперть.

## Ремесленный и железнодорожный училищатненди тонафниень прважамась

Сась советский од ломаттне, конат призваннайхть государственной трудовой резервань училищатненди тонафнема. Ноябрь 26-це шистонза ушедсь прважакшнема и мордовский народсь эсь лучшей цюранзон ремесленный училищатненди тонафнема.

Зубово-Полянский железнодорожной станцияса ульсь оцю праздник. Тяста организовандаф специальной вагон училищав тонафнихненди. Вагонць наряжаф лозунгса, партийтай и правительствать руководителхнон портрета.

Тяфта жа посадка ульсь Торбеваса, Ковылкинаса. Рузаевкати самс тонафнема молихнень лувксна ульсь 97 ломань. Тяса цебарь-

ста синь васьфтезь партийнай, советский и комсомольский организационный руководителсна. Тяда меле поездъ Рузаевкаста тусь Саранския, коса тонафнихнень васьфтезь МАССР-нь Совнаркомъ видеса трудовой резервань анокламанъ управления начальникоц Арбузов ялгась, ВЛКСМ-нь горкомъ работникоца. Саранския прважаф Мельцанский, Лямбирский райоттне эзда 27 ломань.

Поездъ лоткай Ромодановав, Оброчнаи, Атьмав, коса тяфта жа улихть прважафт ремесленный училищав тонафнихть. Поездъ эса тусь Сарову Мордовский АССР-нь Совнаркомъ председателец Верендакин ялгась.

И. Белов.

## ТОНАФНЕСАЗЬ КАЛИНИН ЯЛГАТЬ ДОКЛАДОНЦ

Мордовский госпединститутонь студенческий коллективсь оцю мяльса тонафнесы „Коммунистический воспитаниянъ колга“ Калинин ялгать докладонц, конанц сон тиезе московский партийнай активонь собранияса.

Тянь коряс йотафтовсь ноябрь

ковтъ 22-це шистонза общениститутский политзанятия, коса проработандаф тя докладъ. Тяда башка эрь студентсь тщательнайста тонафнезе сонь самостоятельна.

В. М.

Саранск ош.

## ЛИТЕРАТУРНАЙ ВЕЧЕР

Мордовский госпединститутса ноябрь ковтъ 22-це шистонза ульсь йотафтф литературнай вечер, конац посвященнаель великий русский писатель Лев Николаевич Толстойть кулома шистонза сявомок колмагемонь кизонь топодемати.

Вечерса ульсь тифт кафта док-

латт: „Толстой, кода художник“ докладть тиезе институтонь преподавательсь Бихтер ялгась. Омбоце докладть „Толстой, кода педагог“ тиезе Ососков ялгась.

Студенттне и преподавательский коллективсь оцю мяльса кулхондозь ня доклаттне.

В. Моськин.

## ЧИТАТЕЛЬХНЕНЬ ЛУВКССНА КАСЫ

Каньгуж велень библиотекаса библиотекарькс работай комсомолецъ Сабаев ялгась. Сон вяти оцю работа колхозникнень йоткса, штоба касфтомс литератураса синь содама шиснон. Тя работась макссь аф кальдяв результатт. Лама колхозник лувсть 15—20 книга. Кол-

хозникнень мархта лувондови книгатнень йоткса тяфтама произведений, кода А. Толстойнъ „Хлеб“, Пушкинонъ „Капитанская дочка“ книгац и лама лият.

А. Икомасов.

Ельниковский район.

## КАДРАНЪ КУЗНИЦАТНЕ АНОКТ

Советский од ломаттне, конат призваннайхть государственной трудовой резервань училищатненди и школатненди тонафнема, аф азомшка пяк учихть декабрь 1-це шинц, кона лувондови подлинно-исторический праздникокс.

Павазса панжи и радостьса ашкотф социалистический родинасокс декабрь 1-це шистонза сувайхть стройс сталинский од типонь кузницат, конат эрь кизоня кармайхть аноклама и макссема шиста-шис касы и келеми социалистический промышленности од, высококвалифицированной рабочейхть—специалистт.

Илядсть кафта шит занятиянень ушедомаснонды.

Саровский машиностроительный заводонь и Ташин заводонь рабочайхне анокласть торжественнай встреча Саровский ремесленный училищав призваннайхненди, конат сайхть Мордовиянъ сембе ширде специальна организованнай поездса. Синь оцю радостьса васьфтьсавь будущей эсь сменаснон.

Аньцек социалистический страна, коса во главе ащи большевистский партиясь, великий Сталинъ, сонъ народсь—доступнай тяфтама радушной приемъ и седиакстонъ заботась кадратнень колга.

Минцонк социалистический промышленности эрь кизоня эряви миллионда лама рабочай, высококвалифицированной кадрань могущественнай поток, конац ба обеспечендалезе цебарь качества и изящнай выделкаса товаронь широкай производствать.

Минь социалистический системанъ марнек народнай хозяйстваньке вятви планова, должен тяфтажа планова вятевомс промышленность кадраса обеспечендамац—трудовой резервань анокламаське. Тяфта корхтати тянь колга государственнай трудовой резервань созданиянъ колга СССР-нь Верховный Советъ Президиумонц Указонц эса, кона лифтьф тя кизонь октябрь 2-це шистонза.

Мордовский АССР-нь Совнаркомъ видеса государственной трудовой резервань Управления свединянон коряс няеви, што Мордовиянъ трудящай од ломаттне оцю мяльса йорайхть тонафнемс железнодорожной и ремесленный училищатнень эса. Тя няеви нльня сянь эзда, што планц коря эряви призвать 750 ломань, а заявленияда добровольна макссть 4500. Тя цифрась корхтай сянь колга, што минцонк улихть неисчерпаемой трудовой ломанень запаст.

Эряви азомс, што тя торжественнай шить васьфтеманты Рузаевский и Саровский общественность аноклась аф кальдявста. Тяниень пинкть кода Рузаевкаса железнодорожной училищати, а стане жа Саровский ремесленный училищати учебнай зданиятне аноклафт сембе ширде. Аноклафт чистай и уютнай общежитият, цебарь постельнай принадлежность, укомплектовандафт марнек преподавательский составне,

Г. Пьязин.



# Фридрих Энгельс

Фридрих Энгельс шачсь ноябрь 28-це шистонза 1820 кизоня Бармен ошса (Германия) текстильный фабрикантось семьяса.

Наксада, обывательский, ханжеский обстановкась, кона кружесе Энгельс, люпшнесь сонь эсонза идькс пингстон-закиге. Аляц йорась шорсемс юношати духовнай касоманцты и поддамс сонь постылай коммерческий «карьерас». Но Энгельс йорась тумс эряфонь иля киге, общественной деятельнень и ученаень, народнай тевть инкса борецонь кить эзга. Тонафнемом гимназияса, Фридрих пяк выделялся сембе эсь ялганзон йоткста исключительнай дарованиязон и разносторонний интересонзон, живой характеронц, алак лотксек весеяла пинц мархта.

1841-це кизоня Энгельс сась Берлину, коса тейнза савсь йотамс воинский повинность. Сембе свободнай частонзон сон использовандакшнезень университетса лекциянь кулхцондомати и самообразованиянть. Энгельс сувась младогегельянецень кружокти, германский знаменитай философть Гегельть инь передовой последователензон йоткс. Араламком реакционнай философть Шеллингть нападканзон эзда Гегельть учениянц, Энгельс музе Гегельть ученияста революционной ширеть—сонь диалектический методонц — и, пользувандомок ты методть мархта, велептсь критика реакционнай философиянь колга, тись Гегельть диалектиканц эзда атеистический и революционной вывогт.

1842-це кизоть песта Энгельс тусь Англиянц и йотафтсь тоса пцтай 2 кизот. Англияса, ты передовой, ся пингста промышленнай тевса инь пяк развитай страна са улемась, макссь Энгельсти пяк лама. Энгельсти экономический эряфть тонафнемаса плодкс арасть: «Политический экономиянь критический очерке» и «Англияса рабочий классь положениязь» знаменитай книга (1845 кизось), конань Ленин лемдесе «Мировой социалистический литератураса фкя инь цебарь произведениякс». Энгельс аф аныцек няфтезе ты книгати эса рабочий классь беспощаднайста эксплуатирован-дамань яркай картинать, аф аныцек серамдосе горячай симпатияса пролетариатть бедствиянц, но и доказат, што пролетариатсь именна ся классь, кона может машфтомс эксплуатациять и освободинамс угнетениять эзда сембе обществовть.

«Аф лама валхненъ эса, — корхтай Ленин—рабочай классь инголе Марксонь и Энгельсонь заслугасон можна азомс тяфта: Синь тонафтозь рабочий классь самопознаниянть и самосознаниянть и мечтатненъ васте лутсь наука».

1844-це кизоня Энгельс Парижса васенцеда васедсь Марксонь мархта. Лиссь лангс синь полнай единодушиясна възглядонс эсз.

Сембе эряфенон пингс нят великай борецненъ и ученайхненъ йоткса шачсь кеме дружба, стама дружба, кона макссь тейст лезкс тюремаса сясьбоме инь стака испытаниянть и трудностнень.

Синь кафоннест сьорматф «Святое семейство» и «Немецкая идеология» книга-сон эса (1844—1845 кизотне) Маркс и Энгельс тисть удар различнай идеалистический течениянть лангс, макссь критика Фейербахонь аф последовательнай материализманц лангс и гениальнайста сформулировандась науч-

най социализмать теорияса од мировоззрениянь основатненъ. Тиемок ты теориять, Маркс и Энгельс пугть эсь инголет задача соединить социализмать рабочей классь движениянц мархта, лиякс марьгомс, няфтемс рабочей классь истиннай кить капиталистический угнетениять алда лисемаса.



Сембе мирть инголе ульсь провозгласиндаф Марксизмать главнай идеянц — пролетариатть диктатуранц идея, кона ащи единственной средствомс классенень машфтомаснонды и коммунизмать строяманцты. «Тя аф оцю книжканъ, — сьормадсь Ленин — тии целаи тоит: Сонь духонц мархта эряй и движется мянь ты пингс цивилизованнай миронь сембе организованнай и борючай пролетариатсь». «Манифестсь» аныцек кенерсь лисемс светс, мзярда Францияса, а тоса и Германияса кеподсь 1848-це кизонь буржуазнай революциясь. Мзярда южногерманский государтватненъ эса кеподсь вооруженнай восстаниясь, Энгельс арась боецненъ рядсь и примосесь участия повстанецненъ йоткса прусский войсканенъ каршес тюремаса.

1848-це кизонь революциясь кирдсь поражениянц. Энгельс К. Марксонь мархта марса кочксихть марс пролетарский боецонь страфть вийхненъ, лифнесь не неприятельский толть алда, тонафтысьне организованнайста отступандамань и од боенди виень пуроптомань искусствати.

Реакциянь инь стака кизотненъ пингста, революциять поражаданомонза меле Энгельс алак сизсек теоретически вооружандакшнезе Европа и Американь рабочий классь, разработандакшнесь сяда тов марксистский наука. Эсь военной работанзон эса няфтезе пролетариатти капиталистонь властть эзда эсь освобождениясон инкса военной знаниянть тонафнемаса необходимостть. Сон ульсь военной тевоень выдающай знаток. Ялганза кельгозь тейнза марьгондсь «генерал».

Штоба максомс лезкс Марксонди «Капитал» книганц изданияс анокла-маса огромнай научнай работанц аделаманцты, Энгельс сявозень эсь лангонзонза Марксъ и сонь семьянц материальной поддержканц и мрдась тянкаса аф лама пингс коммерческий предпритязанзонза службати. Мзярда «Капиталъ»

книгац 1867-це кизоня ульсь аделаф, Маркс сьормадсь Энгельсти: «Аныцек тейть мон обязан сянкаса, што ты аныцек тонь велдет арась возможнайкс! Тонь самопожертвованияфтомот мондейнь мездонга ба афоль тиев сембе ея огромнай работась колма томпненди. Обнимаю тонь, оцю благодарностть тейть!.. Привет, инь кельговикс, вернай ялга!».

60 кизотненъ эзда ушедсь вишжомома рабочей движениясь. «Манифестса» выдвинутай международной солидарностень великай идеяне сембе сяда келлиста сувсесь передовой рабочейхненъ сознаниясь. Маркс и Энгельс возглавили ты движениять и пуроптеть рабочаень международной товарищества — Васенце Интернациональ. Рабочай организациянь средаса, конат сувасть Интернационалти, пользоваданкшнесь нинге аф йомла авторитета различнай мелкобуржуазнай теориясна Прудонь, Лассалень, Бакунинонь. Маркс и Энгельс велептеть ня анти-пролетарский течениянть каршес кеме тюрема и талазь синь идеяна пзда-пес.

Детишакс, гордостекс Интернационалти арась Парижский Коммунась, кона ульсь провозглашеннай 1871-це кизонь мартста.

Тя ульсь историяса васенце пролетарский революциясь. Энгельс Марксонь мархта марса пугтозь сембе вийсон сянди, штоба лездомс Коммунати, по-дедмамс сон инь самай вернай кити, кеподеме тейнза лездома лия странань пролетариатть.

Но Коммуна ашезь удала кирдемс лама пингс, и машффт сон европейский реакциянь марс пуроптф вийхненъ ударсон велде. Реакциянь патисконц ашезь кирде и Васенце Интернационалске. Сон лоткафтозе эсь существованиянц. Но Маркс и Энгельс Парижский Коммунань нюрхкияне пингонь эряфонь опыстонза, Интернациональ аф оцю историястонза машфть сявомс международной пролетариатть сяда товодонь освободительнай тюреманцты инь эрявикс вывогтненъ.

1883-це кизонь мартть 14-це шистонза международной социалистический движениясь кирдсь оцю пмафкс: Кулось Карл Маркс.

Энгельсонь, Карл Марксонь инь маластонь ялганц и вернай соратниконц лангс, прась оцю исторический ответственность.

«Марксть куломод меле Энгельс ськамонза кармась улема европейский социалисттенди советникос и руководительск». (Ленин).

Маркс эсь эряфонц пингста ашезь кенерь издатъ «Капиталъ» произвдениянц омбоде и колмоде томонзон, «Теории прибавочной стоимости» рукописенц и лама лия арьсеф и ушетф работанзон. Содамок, кодама значения кирнесь пролетарский движениянть ня работатне, Энгельс сявсь эсь лангонзонза огромный труд печатсь синь анокламасост. Кемонь кизонь пингс, кадомок сонценъ ушетф работанзон шири, аф вавомок сизефонц и сельмонь мучительнай сяратфть лангс, сон работась ты задачат эряфс йотафтоманц лангса «Капиталъ» II и III-це томонзон поддамасон велде Энгельс «тись эсь гениальнай алганцты величественнай памятник, конань лангса невольна неизгладимай чертанзон мархта вырезал эсь собственнай лемонц. Видеке мялыкс, «Капи-

талъ» ня кафта томонза ащихть кафтонь трудкс: Марксонь и Энгельсонь» (Ленин. т. I стр. 414).

1889-це кизоня Энгельс примась участия омбоде Интернациональ организавандамаса и мянь куломозонза на-правлял сонь работанц.

Эряфонь мекольдены пингс самс Энгельс эсь кеме кядьсонза тиенць меткай удархт социал-демократиянь рядонзон эса опортунизмать ланга.

«Мекольдены пингста, — сермадсь сон 1891-це кизоня, — социал-демократический филистерсь танга ушеткшни кир-нема спасительнай страх, мзярда марьясыне пролетариатт диктатуранц колга валхненъ. Порасасть ли содамс милостивай государхть, кода выглядит ты диктатурась? Варжакстода Парижский Коммуналь лангс. Тя ульсь пролетариатть диктатура». (К. Маркс. Избранные произведения, т. II, стр. 368). Оцю восторгса приветсьвовандазе Россияса рабочей движениянь подьметь, содамок анок Европаса од революционной взрывонь маладомать.

Тяфтамкс ульсь Энгельс мянь куломозонза.

Энгельс кулось 1899-це кизонь августь 5-це шистонза. Энгельс предсмертнай эсь волянц коряс, прахонц ульсь максф плхтамс, а пепелонц срафть морьянь волнатненъ ланга. Труднайхненъ великай другсон седиец кода бташави могучай морской прибойса, конач оцю кякса шовай и штай сери берякненъ, таламок гранитть песококс. Тяфта и сонь мыслянь великай творениязь, сонь пси седиец, конатненъ тонадозь лама мыллотт сознания, могучай вийса штурмовандайхть тии капиталистический темницань кевонь стенатненъ и стенатне каладыхть фкя-фкянь мельге аш вийсна кирдемс ня кяжи удархненъ.

Ся шитненъ пингста, мзярда Энгельс аделакшнезе эсь эряфонь кинц, сембе мирти гайнзевсь од Ленинть вайгялец: «...**Русский рабочий**, арамком во главе сембе демократический элементнень лангс, веляфтьс абсолютизмать и вьтсь русский пролетариатть лия странань пролетариатть мархта ряцек открытай политической тюреманы виде киге победоноснай коммунистический революциянть». Тяфта аделакшневсь Ленинонь «Что такое «друзья народа» и как они воюют против социал-демократов?» книгац. Тя ульсь революционной марксистть клятвца Марксонь лазксонц ваксса, Марксонь—Энгельсонь знамяснон ала.

Ленин и Сталин алак сизсек развивали Марксонь—Энгельсонь теорияснон, козякофтомок сонь од опыта и алак лотксек полафнемом башка сиретьф положениянть од вывогдса, конат соот-ветствовандайхть од исторический обстановката и наукань современной уровенъти.

Марксонь, Энгельсонь ученияснон виец, величияц, бессмертияц сянь эса именна и ащихть, што сон аф догма, а руководство действия, што сон исторический развитиять молеманц пингста, кепоткшни сембе од и од ступень лангс, козякоткшни од содержаниясь, алак пельхть йорямок ташта, отжившай формулатненъ. Сон най кармай валдон-нема человечествовть кинц сире миронь вийхненъ каршес тюремаса, коммунизмать полнай торжестванц инкса тюремаса.

К. СЕЛЕЗНЕВ.

Ответ. редакторсь И. ЧУДАЙКИН.